



Inuussutissarsiutinut ikiorsiissutinut aamma sulisorisanut ikiorsiissutinut tunngaviusunik paasissutissat

Inuussutissarsiutinut ikiorsiissutit

Annertussutit

Inuussutissarsiortunut ikiorsiissutissat ataatsimoortitat pingaarnertigut ataatsimoortitat immikkoortut marluupput:

- "Nukinginnartunut ataatsimoortitat", akunnittarfiit, neriniartarfiit, aamma sullissinermik inuussutissarsiuteqartut aalajangersimasut assigisaasalu iluanni suliffeqarfinnut, maannangaag taamaatitsinerit annertoourujussuit malitsigisaannik nukinginnartumik aningaasaqarnikkut unamilligassaqalereersunut kiisalu suliffeqarfinnut matunissamik pisussaaffilerneqartunut, sammitinneqartut.
- "Nalinginnaasumik inuussutissarsiortunut ataatsimoortitat", inuussutissarsiutini suliassaqarfinni allani ajornartorsiutinik iluarsiniarnermut atorneqarsinnaasut.

Maannamuugallartuq nukinginnartunut ataatsimoortitanut 50 mio. koruunit aammalu nalinginnaasumik inuussutissarsiortunut ataatsimoortitanut 100 mio. koruunit atugassanngortinneqarput. Ikiorsiissutit immikkoortitat ammapput piareersimallutik suliffeqarfinnut ajornartorsiortunut.

Suliffeqarfiit

Suliffeqarfiit namminersortut Kalaallit Nunaanni nalunaarsorsimasut kisimik pineqartunut ilaatinneqarput, aktiaatileqatigiiffiit pisortanit pigineqartut arlaannaalluunniit pineqartunut ilaatinneqanngillat. Suliffeqarfik tamakkiisumik Kalaallit Nunaannut akileraartussaataaassaaq.

Suliffeqarfiup sulisuisa amerlanerpaartaat Kalaallit Nunaanni najugaqartuussapput.

Qinnuteqartoq, pisortaaitat aamma siulersuisut

Qinnuteqartoq imaluunniit inuit aqutsisut pisortaaitaniittut imaluunniit siulersuisuniittut akileraartarnermut inatsisinik unioqqutitsisimasutut imaluunniit aningaasaqarnikkut pinerluuteqarsimasutut eqqartuunneqarlutik pineqaatissinneqarsimassanngillat.

Piffissaq

Nukinginnartunut ataatsimoortitat piffissamut marts-ip aallaqqaataaniit juunip naaneranut, imaluunniit taakkua ilaannut, taamaattoq minnerpaamik qaammatit ataasikkaarlugit, matussutissaassapput.

Aaqqissuussinernut allanut ataqatigiissillugit

Aaqqissuussinereit akulerullugit atorneqarsinnaapput, kisiannili marloriaammik matussutissarsisoqarsinnaanngilaq, pisortat ikiorsiissutinik aaqqissuussinereisa assigiinngitsut akornanni, tamatumani inuussutissarsiortunut ikiorsiissutit, akissarsianut aningaasartuutsinut taartsisiassat allalluunniit pineqaraluarpata. Qinnuteqartoq pisussaaffeqarpoq tamanna pillugu ilisimatitsinissamik, qinnuteqartoq aaqqissuussinereit ilaanniit allamit ikiorsiissutisisimaguni. Annerpaamik suliffeqarfimmut ataatsimut 1 mio. kr.-inik qaammammut tapiissuteqartoqarsinnaavoq inuussutissarsiutinut ikiorsiissutinit tamarmiusuniit, tamatumani aamma ingerlatassaraluanut taamaatinneqartunut taartsisiaqarnikkut, suliffeqarfiup aalajangersimasunik aningaasartuutaanut taartsisiaqarnikkut aammalu ajornartoornermi akisussaassuseqartunik Aningaasanik attartornikkut. Qaffasinnerpaamik ikiorsiissutaasinnaasut 1 mio. kr.-it aamma qaffasinnerpaamik ataatsimut akiliutissaapput suliffeqarfimmut tamanut, suliffeqarfimmut ingerlatseqatigiiffikkoortumik ataqatigiittunut, suliffeqarfimmut ingerlatseqatigiiffikkoortumik ataatsimoortunut malittarisassat atuuttut naapertorlugit aamma suliffeqarfiit Kunngip peqqussutaanik tunngaveqartumik aktiaatileqatigiiffimmut piginneqatigiiffinnullu inatsit atortuulersinneqarsimasoq naapertorlugu (ingerlatseqatigiiffimmut inatsit), toqqaannartumik toqqaannanngitsumilluunniit piginnittuinnit pigineqartunut, inunnut imminut qanitariittunut, malittarisassat imaluunniit ileqqussat nakkartoorluni akiliisinnaajunnaartarneq pillugu inatsit Kalaallit Nunaanut atortuulersinneqarsimasoq naapertorlugu. Naalakkersuisut tamanna pillugu ersarinnerusunik malittarisassiorsinnaapput aammalu tamanna pillugu aalajangersimasunik aalajangersaasinnaallutik. Naalakkersuisut pisinnaatippat tapiissutit utertinneqarnissaannik piumasaqarsinnaanermik, aalajangersakkat atugassarititaasullu eqqortinneqarsimanngippata, neriorsuuteqarnermi pineqartumi imaluunniit tapiissuteqarnermi aalajangersimasumi.

Toqqaannartumik taamaatitsinernut taartsisiassat

Suliffeqarfiit pineqartunut ilaatinneqartut ilai toqqaannartumik taamaatitsinernik misigisaqarput, suliffeqarfiit allat kaaviiartitat toqqaannannginnerusumik taamaatitsinernit sunnerneqarlutik, assersuutigalugu COVID-19-ip siaruarnissaa pitsaaliorniarlugu isumannaallisaanermi iliuusissanit atuutsinneqalersunit eqqorneqarlutik.

Suliffeqarfiup COVID-19-ip malitsigisaanik minnerpaamik 30 %-imik kaaviiartitanik annaasaqarnissaq naatsorsuutigissavaa.

Toqqaannartumik taamaatitsinerni ilaatinneqarput akunnittarfimmi unnuinissanik taamaatitsinereit, imaatigut angalaarnissat taamaatinneqartut il.il., tassani ingerlatassat taamaatinneqartut aalajangersimasut suliffeqarfiup uppersarsarsinnaassallugit. Toqqaannartumik taamaatitsisoqartillugu, taamaatitsinermi kaaviiartitassat annaaneqartut uppersarsarneqarnerat tunngavigalugu, taartsisiassat taamaatitsinerup pineraniit tunniunneqarsinnaapput.

Taartsisiassat qaammatikkaartumik, aammalu suliffeqarfimmut ataatsimut annerpaamik qaammatini pingasuni, akilerneqassapput. Taakkua kaaviiartitassat annaaneqartut uppersarsarneqartut 75 %-iinut

matussusiissapput, taamaattoq qaammammut annerpaamik 23.000 koruuniussallutik imaluunniit katissimallugu aapparisaq atorfeqartinneqarsimappat qaammammut annerpaamik 46.000 koruuniussallutik.

Assersuut: Sanasoq namminersortoq - mesteri

Sanasunut mesterip namminersortup 40.000 kr. i piffissami 24. marts - 24. maj corona-virus-ip malitsigisaanik qaammammut 40.000 koruuninik kaaviiatitami annasaqarnissani naatsorsuutigaa. Sanasunut mesterip ingerlatseqatigiiffianut qaammammut kaaviiartitat 2019-imut ukiumut naatsorsuusiorfiusumut agguaqatigiissillugu 100.000 koruuniupput. Taamaalillutik kaaviiatitani annaat 40 %-inut naapertuupput.

Taamaattumik sanasunut mesteri taartisiassanut aaqjissuussinermi 24. maj tikillugu Namminersorlutik Oqartussaniit qaammammut 23.000 koruuninik taartisiassaqaassaaq, qaammammut annerpaamik taartisiassanut naapertuuttunik. Taamaalilluni sanasunut mesteri namminersortoq pisumi immikkorluinnaq ittumi tassani pilersuinermit tunngavissaminik attassiinnarnissamut periarfissarissaarnerulissaaq.

Suliffeqarfiit aningaasartuutaannut aalajangersimasunut taartisiassat

Suliffeqarfiit pineqartunut ilaatinneqartut ilai toqqaannartumik taamaatitsinernik misigisaqarput, suliffeqarfiit allat kaaviiartitat toqqaannannginnerusumik taamaatitsinernit sunnerneqarlutik. Tassanngaannaq tamakkiisumik ilaannaasumilluunniit kaaviiartitaarunnerup peqatigisaanik, suliffeqarfiit aningaasartuutitut aalajangersimasunut arlalinnut pisussaaffeqarput.

Suliffeqarfiup COVID-19-ip malitsigisaanik minnerpaamik 30 %-imik kaaviiartitanik annaasaqarnissaq naatsorsuutigissavaa.

Taartisiassat qaammatikkaartumik, aammalu suliffeqarfimmut ataatsimut annerpaamik qaammatini pingasuni, akilerneqassapput. Taanna suliffeqarfiup isumaqatigiissuteqarluni aningaasartuutaasa pisussaaffiusut (aningaasartuutit aalajangersimasut) 25 – 80 %-iinik, taamaattoq piffissaq tamaat suliffeqarfimmut ataatsimut annerpaamik 400.000 koruuninik, matussusiissaaq. Aalajangersimasunik aningaasartuutitut ilaapput ininik attartornernut akiliutissat, ernianut aningaasartuutit aamma isumaqatigiissutigisimasanut (kontraktinut) atorunnaarsinneqarsinnaanngitsunut aningaasartuutit piffissami aalajangersimasumi (assersuutigalugu leasing)

Aningaasartuutit aalajangersimasut taartisiffigineqartussat ilai makkuupput:

- 80 %, kaaviiartitat apparnerat 80-100 %-nik annertussuseqarsimappat,
- 50 %, kaaviiartitat apparnerat 60-80 %-nik annertussuseqarsimappat
- 25 %, kaaviiartitat apparnerat 30-60 %-nik annertussuseqarsimappat

Aningaasartuutit aalajangersimasut isumaqatigiissutinik attuumassuteqartunik imaluunniit assigisaanik uppersaatinik, uppersarneqassapput.

Tamatuma saniatigut suliffeqarfiit, Naalakkersuisut COVID-19-ip tuniluulluni siammarnissaa pitsaaliorniarlugu inerteqquteqarfigigallarsimasai, taartisiassaqartinneqassapput, inerteqquteqarnerup atuunnerani aningaasartuutit aalajangersimasut pineqartunut ilaatinneqartut 100 % -iisut annertussuseqartunik.

Assersuut: Neriniartarfik

Neriniartarfimmik piginnittoq inerteqquteqarallernerup malitsigisaanik neriniartarfimmini neriantortunik nerisitsinnaanngilaq, kisianni take away aqutugalugu nalinginnaasumik kaaviiartitami 15 % -inik tunisaqaannarsinnaalluni. Neriniartarfimmi kaaviiartitat 85 %-imik appartut misigineqarmat, taanna aningaasartuutimi aalajangersimasut taartisiffigineqarsinnaatitaasut 80 %-iinik taartisisinnaavoq:

Qaammammut aningaasartuutit aalajangersimasut:

- Qaammammut ineqarnermut akiliut: 18.000 kr.
- Avataaneersumut assartuussinermut suliffeqarfimmut isumaqatigiissut: 5.000 kr.
- Igaffimmi pequtitut akiitsunut ernianut aningaasartuutit: 4.000 kr.
- Katillugit: 27.000 kr.

Taartisiassat: 21.600 kr. (27.000 koruunit 80 procentiisut annertussusillit).

Akisussaassusilimmik ajornartoornermi taarsigassarsiat

Aningaaseriviit aqutigalugit naalagaaffimmit qularnaveeqqusiivigineqartumik aaqqissuussinermik neqeroortoqarsimangippat, inuussutissarsiortunut ikiorsiissutissat ataatsimoortitat killissaasa iluanni akisussaassusilimmik taarsigassarsianut aaqqissuussineq neqeroortigineqarsinnaavoq.

Suliffeqarfiup COVID-19-ip malitsigisaanik minnerpaamik 30 %-imik kaaviiartitanik annaasaqarnissaq naatsorsuutigissavaa, sanilliullugu piffissami allamut sanilliunneqarsinnaasumut.

Taarsigassarsiat taartisiassanut aaqqissuussinerit matuma siuliani allassimasut arlaannut ataqatigiissillugit neqeroortigineqarsinnaapput.

COVID-19 ajornartorsiortitsinerata maannakkut pisup anigornissaanut aammalu ajornartorsiornerup qaangiunnerani siumut ingerlaqqilernissamut, suliffeqarfimmi aningaasaateqarnissap qulakkeernissaa siunertaralugu, taarsigassarsititsinissaq neqeroortigineqarsinnaavoq. Taarsigassarsiarititat qaammatini 36- ini siullerni erniaqaratillu akilersugassaassanngillat, tamatumalu kingorna attartukkat akiligassaajunnaarlutik atorunnaassallutik. Taarsigassarsiarititat annertussusilerneqarneranni, piffissami nukinginnartunut ataatsimoortitat matussusiivissaanni unammilligassat aalajangersimasut sillimaffigineqassapput, taamaattoq annerpaamik 1.000.000 koruuniussallutik suliffeqarfikkaartumik qaammammut. Ataasiakkaani atugassarititaasut, suliffeqarfinnut ataasiakkaanut tamaginnut, ataasiakkaatut isumaqatiginninniutigineqartassapput. Aammattaaq taarsigassarsiarititani atugassarititaasut "taarsigassarsiarititaqqanut" Greenland Business-ip piunasaqaatai malinneqassapput (takuuk www.innovation.gl).

Assersuut: Takornarianik imaatigut angallassineq

Takornariartitsinermut suliffeqarfiup minnerusup, ikittukkaanik takornarianik imaatigut angallassisartup, isertitaminut tunngavigisani tamakkerlugit annaasimavai, tassami qaammatini arlalinni angallanneqartussanik ataasinnguamilluunniit takornariaqarsimangimmat. Maajip qaammataani angalanissat inniminnerneqareersimasut taamaatinneqarsimapput, kisianni suliffeqarfik qanittumi umiatsiamut angallatigisaminut aningaasaleeqqammerluni, aammalu suli tassunga akiitsuminut akilersuilluni.

Suliffeqarfiup kaaviiartitaminut annaasaminut taartisiassani, aningaasat annerpaaffissaattut annertutigisut, tigoreersimavai, kisianni umiatsiaminut suli akilersuisussaalluni, kinguartinneqarsinnaanngitsunik.

Suliffeqarfik aningaaserivimmi akilersugassani pingasut pisussat akilersinnaajumallugit 30.000 koruuninik akisussaassusilimmik ajornartoornermi taarsigassarsivoq, taamaalilluni suliffeqarfiup akilersugassani taakkua ukiuni 1 – 2-ni kinguartippai, aammalu akiliutissat siammartinnissaannut periarfissaqalernermini suliffeqarfiup immikkut akiligassat taakkua kingusinnerusukkat akilersinnaalerlugit.

Allaffissornikkut aqutsineq

Aaqqissuussinerit allaffissornikkut aqunneqarnerat allaffissornermut ingerlatseqatigiiffimmit ingerlanneqassaaq. Pisortat ingerlatsineranni suliaasat suliarineqartarnerat pillugu Inatsisartut inatsisaat aamma pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat, suliaasamik suliarinninnermi atuupput.

Suliaasanik suliarinninnerup assigiissaarnissaa sukkasuumillu pinissaa qulakkeerniarlugu, internettikkut qinnuteqarnermi immersugassat suleriaatsillu atorpeqarput.

Qinnuteqaat

Qinnuteqarneq elektroniskimik qinnuteqarnermi immersugassaq immikkuullarissaq, Greenland Business-imit aqunneqartoq, atorlugu pissaaq.

Qinnuteqarniaraanni suliffeqarfik Greenland Business-ip qinnuteqaatinut periaasiani ilisarnaatissaminik pilersitsissaaq, tamatuma kingorna immersugassaq pineqartoq aallaavigalugu qinnuteqaasiorsinnaalluni.

LINK-i: <https://www.innovation.gl/stoetteordninger/mine-ansoegninger/?lang=kl>

Skema-p imai suussusilersorneqarput ilanngussami 1-imi

Sulinermik inuussutissarsiortunut ikiorsiissutit (namminersortutut sulinermik inuussutissarsiortunut akissarsianut annaasanut taartsisiassat)

Immikkoortitsisoqarpoq Kalaallit Nunaanni sulinermik inuussutissarsiortut akissarsiaannut annaasanut taartsisiassanik 107 mio. kr.-inik annertussuseqartunik, suliffeqarfiup sulisuminik soraarsitsinissamut taarsiullugu angerlartitsigallannerani atorreqartartussanik COVID-19-ip kingunerisaanik.

Suliffeqarfiit sulisumi minnerpaamik 30 pct.-iinik soraarsitsissamaartut imaluunniit sulisunik 25-iniit amerlanerusunik aaqqissuussineq taanna atorlugu akissarsianut annaasassanut taartsisiaqartinneqarsinnaapput imatut aaqqissuussinerup iluani:

- Akissarsiassanut annaasanut taartsisiassat sulisorisap pineqartumut akissarsiaasa 75 pct.-iinut matussutaassapput, taamaattoq annertunerpaamik sulisumut ataatsimut qaammammut 20.190 kr.-it, angerlartitsinermi soraarsitsinissaagaluumut taarsiullugu.
- Suliffeqarfiup annerpaamik akissarsiassanut annaasanut taartsisiassat qaammatinut pingasunik pissarsiarisinnaavai ulloq 30. juni 2020 ilanngullugu. Akissarsiassanut annaasassanut taartsisiassat atorunnaassapput sulisitsisup sulisuni sulilerseqqippagu.
- Sulinermik inuutissarsiuteqartut ataasiakkaat suliffeqarfiup akissarsiaannut taartsisiaqartitsinermik aaqqissuussinermut qinnuteqaataasa sulinngiffeqarfissatik aamma / imaluunniit akunnerit katersatik afspadserigassatik katillugit ulluni 5-ini piffissami taartsisiaqartitsiviusumi ullunik 30-inik sivirususilimmi atortassavaat. Ullut 30-ikkaat tamaasa sulinermik inuutissarsiortut ullunik sulinngiffeqarfissanik 5-inik atuisassapput imaluunniit akunnernik katersanik atuisassallutik. Sulisuusoq sulinngiffeqarfissaqanngippat, akunnernik katersanik atugassaqanngippat ullunut tallimanut akissarsiaqarani sulinngiffeqartoqassaaq.

Ikiorsiissutissat taakkua ugguuna qinnuteqaatigikkit: https://www.sullissivik.gl/Forms/Ansogning-om-midlertidig-lonkompensation-for-lonmodtagere-pa-det-private-arbejdsmarked?sc_lang=da-&mupid=0

Ilanngussaq 1:

Inuussutissarsiutinut ikiorsiissutinut skema qinnuteqarfissaq

Skema qinnuteqarfissaq imaattunik immikkoortunik imaqarpoq:

Suliffeqarfiup suuneranut paasissutissat

Suliffeqarfiup suuneranut paasissutissat nalunaarsorneqarneranni suliffeqarfik pillugu tunngaviusunik paasissutissat arlaqartut nalunaarsorneqassapput, tamatumani aamma suliffeqarfiup CVR normua, atia, najugaa, inuussutissarsiutip suunera, piginnittui, sammivia aamma isertarnermut paasissutissat piumasarineqartut.

Qinnuteqaat

Suliniummumut paasissutissat: Aningaasaliissutit qinnutigineqartut, suliniutip taaguutaa, kiisalu attaveqartarnermut paasissutissat.

Akuersinermik nalunaarut: Atsiorneqassaaq.

Suut qinnutigineqarpat?: Aningaasat matussutissatut qinnutigineqartut annertussiat nalunaarneqassaaq, immikkoortitsikkamik taartsisiatut matussutissanut aamma Ajornartoornermi ikiorsiissutinik attartukkatut. Quppernermilu matumani aamma nassuarneqassapput suliffeqarfiup kaaviiartitamini annaasassatut naatsorsuutigisai 30 %-init annertunerusut qaammammi pineqartumi, COVID-19-imi pisut kingunerisaannik.

Qinnuteqaammumut ilanngussassat

Naatsorsuutigineqarput minnerpaatut ilanngussat makkua:

- Nassuiaat kaaviiartitanni annaasassatut naatsorsuutigisatit pillugit COVID-19-ip kingunerisaannik. Tamanna pisinnaavoq sap. ak. kingullerni kaaviiartitavit takussutissartaannik, kiisalu piffissami allani sanilliunneqarsinnaasumilu kaaviiartitavit nalunaarsorsimaffianik.

Tamanna assersuutigalugu pisinnaavoq ataniittutut:

- (akuerisaasut) naatsorsuutit 2019-imoortut, imaluunniit allatut uppernarsaasersukkanik suliffeqarfiup akissarsianut aningaasartuutai. Tamanna atuutinnigilaq sillimaniarnermik pissuteqartumik matusunut.
- (akuerisaasut) 2020-imut ingerlatsinermut aningaasartuutissanut missingersuusiat, ersersitsisut ukiup ingerlanissaa qanoq naatsorsuutigineqarsimagaluarnersoq, COVID-19

takkussimangikkaluarpat. Tamanna atuutinngilaq sillimaniarnermik pissuteqartumik matusunut.

- 2020-imi ingerlatsinissami aningaasartuutissanut missingersuusiat kukkuner siukkat, ersersitsisut maanna ukiup ingerlanissaa qanoq naatsorsuutigineqalersimanersoq. Ajornangippat missiliuunneqassaaq taartsisiaqarneq inuussutissarsiutinut ikiorsiissutiniit aningaasartuutissanut missingersuusianut kukkuner siukkanut (naleqqussakkanut) qanoq sunniuteqassanersoq.
- Imaluunniit uppernarsaasiinissanut piumasaqaatit allat aqputigalugit.

- **Taartsisiassanut toqqaannartumik taamaatitsinernut**, ilanngunneqassapput uppernarsaatit kaaviiartitani annaasanut.
- **Taartsisiassanut toqqaannartunik pisussanik taamaatitsisimanernut, kiisalu sillimaniarnermik peqquteqartumik matusisimanernut**, ilanngunneqassapput uppernarsaatit aalajangersimasunik aningaasartuutinut, isumaqatigiissut imaluunniit assigisai atorlugit.

Pingaaruteqarpoq sulianik ingerlatsisuusut paasisinnaasaannik paasisutissiinissaq suut taartsisissutigittinneqarnersut pillugit, taamaattumillu isumassarsiatsialaasinnaalluni ilassutitut paasisutissanik nassuiaasunik ilanngussinissaq.

Ilanngussaqaq 2:

Aaqqissuussinerit danskit naalagaaffiannit aallartinneqartut

Qularnaveeqqusiinernik aaqqissuussinerit SMV'-inut

Naalagaaffik (Vækstfonden aqputigalugu) naalagaaffiup akiliisussamaatitut qularnaveeqqusiissutaanut 70 %-iusunut aningaaserivinniit attartukkanut nutaanut SMV-nut peqqissumik ingerlagaluartunut tunniussivoq, kaaviiartitamikkut 30 %-it sinnerlugit COVID-19 -ip kingunerisaanik misigisaqarsimasunut.

Link-i: <https://vf.dk/covid-19/>

Suliffeqarfinnut annerusunut qularnaveeqqusiinermik aaqqissuussineq

Naalagaaffik (Vækstfonden aqputigalugu) naalagaaffiup akiliisussamaatitut qularnaveeqqusiissutaanut 70 %-iusunut aningaaserivinniit attartukkanut nutaanut SMV-nut peqqissumik ingerlagaluartunut tunniussivoq, kaaviiartitamikkut 30 %-it sinnerlugit COVID-19 -ip kingunerisaanik misigisaqarsimasunut.

Aaqqissuussinerit taakkua marluk aqputigalugit aningaaserivinnut qiimmasaasoqarpoq /kajumissaarisoqarpoq nalorninaatilinnut piumassuseqarlutik aningaasarsiornikkut imminut akilersinnaasunut attartortitsisarnissamik periarfissanik suliffeqarfinnut aningaasanik tigorianaannarnik peqarnissaminnut unammillernartorsiortunut.

Aaqqissuussinerup piumasaraa aningaaseriviit taakkuninnga atortuulersitsinissaat.

Link-i: <https://vf.dk/finansiering/covid-19-kaution-store-virksomheder/>